

## BESTE BALIABIDEEK ESTALTZEN EZ DITUZTEN BEHARRIZANEI BIDERATUTAKO 2018. URTEKO DIRU-LAGUNTZEN DEIALDIAREN OINARRI ESPEZIFIKOAK

<b>UDAL AREA-SAILA-ERAKUNDEA:</b>	<b>GIZARTE ONGIZATERAKO UDAL PATRONATUA</b>
<b>INSTRUKTOREA:</b>	OINARRIZKO GIZARTE ZERBITZUETAKO GIZARTE LANGILEAK
<b>BALORAZIO BATZORDEA:</b>	GOUP-EKO BATZORDE ZUZENTZAILEA
<b>DIRU-LAGUNTZA ARLOA:</b>	GIZARTEKINTZA: Gizarte Bazterkeria eta Eskubide Sozialen Gutunean agertzen direnek estaltzen ez dituzten gabeziak dauzkaten pertsonen zuzendutako diru laguntzak.
<b>KODEA:</b>	00000-23102-48009000
<b>AURREKONTUAN ZEHAZTUTAKO DIRU-KOPURUA:</b>	ESKARIEN ARABERA
<b>HELBURUA:</b>	<p>Osagarria. Beste baliabideek estaltzen ez dituzten beharrizanak, batez ere, adin txikikoen tratamenduak.</p> <p>Gizarte Bazterkeria eta Eskubide Sozialen Gutunean agertzen direnek estaltzen ez dituzten gabeziak dauzkaten pertsonen zuzenduta daude. Ezin dugu ahaztu, badaudela pertsonak eta familiak, eskatzen den baldintzaren bat ez betetzeagatik ezin dutenak laguntzarik jaso, beharizan egoeran, gizarte bazterketa jasateko arriskuan edo premiazko beharizanean egon arren, eta Gizarte Larrialdi gastuetarako partidan aurrekonturik ez dagoelako lagundu ezin zaienak edo kontzeptua agertzen ez delako edo aplikatzeko baremo ekonomikoa ezberdina delako.</p>
<b>EPEA:</b>	URTE OSOA
<b>BALORAZIO ERIZPIDE ZEHATZAK:</b>	<p><b>DIRU-LAGUNTZAK TRAMITATZEKO KONTUAN IZAN BEHARREKO BAREMOAK</b></p> <p>Bizikidetzaren unitatearen arabera urteko diru-sarrera mugak:</p> <p>Kide 1: 14826 €</p> <p>Kide 2: 25308 €</p> <p>3 kide: 34352 €</p> <p>4 kide edo gehiago: 40796 €</p>

**ESKATZAILEAK:**

Laguntza hauek hartu ahal izango dituzte, gizarte beharrian egoeran egon eta babes sozialeko beste sistema batzuetatik laguntzarik hartzeko aukerarik ez daukaten pertsonak eta familiak.

**DIRUZ LAGUNGARRIA  
DAN KONTZEPTUA -  
PROGRAMA:****A) ETXEBIZITZA:**

Epai judizialaren bidez egiten diren etxebizitza utziarazpen kasuetarako edo Oinarrizko Zerbitzu Sozialetan aurretiaz egiaztatutako egoera larrietan.

Errenten gastuak:

Errentari bakarreko etxebizitzaren kasuan, edo errentari gehiagoren artean ordaintzen denean errenta edo bizikidetzaren unitate bakarreko eskatzaileari azpierreten emanda dagoenean, hilean 250 €, sei hilabetetan gehienez eta aparteko kasuren batean 8 hilabetetan.

Azpierrenta edo errentari baten baino gehiagoren artean ordaintzen den errenta kasuetan, etxe-unitate bakoitzarentzat 125 € hileroko izango da gehiena, 6 hilabetetan gehienez eta aparteko kasuetan 8 hilabetetarako.

Ostatu edo apopiloen egonaldien kasuetan, 125 € hileroko unitate bakoitzeko eta legez eraturako hotel edo ostaluetan egotean, 250 € hileroko gehienez, 6 hilabetetan edo aparteko kasu berezietan 8 hilabetetan.

**B) BEHARRIZAN PERTSONALAK:**

Atal honetan, banaka aztertuko dira bakoitzaren beharrianak, une zehatz horretako beharra baloraturik eta atal honetan batu ditzakegun laguntzak kudeaturik:

**Arrisku egoeran dauden adin txikikodun familien beharrianak:** Adin txikikoen berriazko beharrianak sartzeari egoki ikusi da, adibidez: astialdiko ekintzak ordaintzea, eskolako materiala ordaintzeko aurrerakina ematea, eskolako jantokia, tramitatu ezin izan diren kasuetan, beka; beharrian bereziekin arrisku egoeran dauden adin txikikoentzat aurkeztutako laguntza bereziak, ekintzak edo beharrianak.

**Estimulazio goiztiarra:** 6tik 14 urte bitarteko umeentzat errehabilitazio tratamenduek eragindako gastuak ordaintzeko laguntzak kudeatuko dira. Derrigorrezkoa izango da ezintasun edota mendekotasun egiaztatzea aurkezteak. Tratamendua agintzen duen medikuaren txostena eta aurrekontu 2 ere aurkeztu beharko dira.

**Garraioa:** Garraioa erabili beharrik eragindako gastuak kudeatuko dira, honako kasu hauetan:

- mediku tratamenduak
- prestakuntza ekintzak burutzea
- babestutako enplegu zentroetara joatea
- batzorde iraunkorrak egoki ikusten dituen beste batzuk

**PROZEDURA ETA  
AURKEZTU  
BEHARREKO  
DOKUMENTAZIOA:**

Prozedura konkurrentzia ez lehiakorra izango da.

Eskariak aurkezteko epea urtariletik hasita azaroko azken egun balioduna arte izango da.

Jasotako diru laguntza guztiak, urteko azken batzordean (abenduan) aztertuko dira. Aurrekontuan zehaztutako diru kopurua, proportzionaltasunez banatuko da eskatzaile bakoitzaren beharizanen arabera, hau da, media aritmetikoa egingo da aurrekontu erabilgarria eta aurkeztutako beharizanen artean.

Eskarietan, kontutan hartuko dan gehienezko diru kopurua 3.500,00 eurokoa izango da.

Eskatzaileek Bermeoko udalerrian errolatuta egon beharko dira.

Prestazioek borondatezko izaera berezia daukate.

Prestazioek ezin izango dira eskatu aurrekari modura.

Batzorde Iraunkorrak egiaztatu dezake, egokiak ikusten dituen erak erabilita, eskatzaileen egoera ekonomikoa, lanekoa eta soziala, baita, ematen diren laguntzak aurreikusitako helbururako erabiliko direla ere.

Bermeoko Gizarte Zerbitzuetako teknikariek beharrezkoa den txostena eman beharko die Batzorde Iraunkorrari prestazio proposamenei buruz, honako hauek argi eta garbi azaldurik: helburua, izango duen iraupena, balorazio ekonomikoa eta zelako neurriak ezarriko diren, hartzaileek laguntzeari erabilera zuzena emango diela ziurtatzeko egingo den jarraipena eta kontrola.

Laguntza hauek ezin izango dira erabili Gizarte Larrialdietarako Laguntzen (GLL) osagarri modura, kasu berezietan izan ezik, eta berezitasun hori mediku zein gizarte txostenez justifikatuta egon beharko da.

Beste edozein diru-laguntzak hartu ahal izateko eskatzen den dokumentazioa aurkeztu beharko dute eskatzaileek behar den moduan betetako eskariarekin batera.

**ERLAZIONATUTAKO  
AGIRIAK:**